

詞作五闕

〈蝶戀花·春雨〉

斜雨東風寒料峭，寂寞園林，陣陣鶯啼曉，極目芳郊煙嫋嫋，一川花氣和煙老。  
隱約千山眉黛掃，簾捲香消，轉瞬東君杳，掃盡繁華春去了，天涯一片青青草。

〈醉花陰·春晚〉

翠減紅稀鶯舞亂，曲徑榆錢滿，陌上草離離，楊柳東風，盡日游絲散。 雙蛾斂  
盡瑤山遠，恨佳期又晚，多少賞花人，幽徑尋芳，可惜春已換。

〈卜算子·雨中花〉

梅雨濕春愁，不覺香消褪，冷霧寒風日日來，多少嬌顏損？ 委地化春泥，難盡  
心中恨，尚有牆東賸一枝，枝下紅成陣。

〈浪淘沙·月夜〉

夜半繡幃寒，柳暗花殘，冰輪斜挂蹙眉彎，風淡雲深院靜，一枕孤眠。 魂夢隔  
千山，夜長燭盡粉痕乾，記得當時惆悵事，往事如煙。

〈采桑子·秋思〉

西風乍起霜搖落，菊瓣飄黃，柳絮蒼蒼，飲罷東籬夜漸長。 悲秋宋玉無人問，  
獨倚西窗，愁引清商，子夜歌淒玉指涼。